

**NOW!! FOR COOLNESS AIRCONDITIONING**  
Tel. 2170



# ARUBA ANSE COURANT

**KING SIZE COCA-COLA**  
MORE FOR YOU!



**Diario pa Aruba**



**Crush**



**Swift**  
CANNED MEAT SPECIALTIES  
Agente: **Wimco**

## Miembronan Parlamento Europeo ta elogia iniciativonan ariba tereno industrial

### Deliberacionnan tratado di asociacion e anja aki ainda

ORANJESTAD, 25 okt. — E delegacion di Parlamento Europeo (E.E.G.) cu Diarazon tabata na Aruba a hania un bon impresion di e necesidadnan y problemanan di Aruba y Antillas en general. Nan a hania un bon impresion di e problema y posicion cu Antillas tin den Reinado, esaki segun un declaracion di e presidente di e delegacion senyor Robert Margulies, durante un conferencia cu prensa Diarazon anochi den Aruba Caribbean Hotel.

E motibo di e bishita di e parlamento Europeo na Antillas segun e presidente, pa na promer lugar fortifica e relacion entre E.E.G. y Antillas, pasobra segun nan e cooperacion di Antillas y E.E.G. ta di gran importancia.

E situacion di Antillas, door di combersacionnan y deliberacionnan personal cu e diferente instancianan di e islanan, pa asina despues pa medio di un rapport informan nan colega nan di E.E.G., local lo yuda pa duna un opinion general na Europa di e teritorionan aki. Nan tabatin diferente combersacionnan interesante cu e.o. ministro Kroon, Gobernador di Antillas S.E. N. Debrui, y Bestuurscollegen di Corsow y Aruba. For di e combersacionnan aki nan a hania un idea di e posibilidadnan di establecimiento di industrian nobo y e estabilidad politico na Antillas, e tranquilidad di trabao y e calidad y capacidat di e trahadornan. E delegacion tabatin palabran di elogio pa e iniciativonan propio cu a

wordo haci pa establecimiento di industrian, manera esun di cigar y cerbez na Corsow, esunnan chemico na Aruba. Tambe nan a muestra di ta aprecia e esfuerzonan ariba tereno di industria turistico. En relacion cu e „hydroponics“ di Aruba a wordo bisa: „esaki ta un bon iniciativa, pasobra asina agricultura ta wordo haci na un cierto midi, mesos cu e chickenfarman, lo cual ta seaga hopi importacion di tal productonan cu awor ta wordo produci den mes terra“. Esaki tur iniciativonan pa bai contra di e problema di henden sin trabao, cual iniciativonan cu yudanza di fondo for di E.E.G. seguramente lo duna mas oportunidad pa trabao.

different motibo, va len e ta wordo trata den e diferente parlamentonan di e paisnan di E.E.G. (E awor aki ta Hulanda ta e unico pais di E.E.G. cu a bin cla cu e tratamento di asociacion di Antillas y cu a aserba esaki. Alemania ta trahando ariba, mientras cu for di e combersacionnan cu e otro miembronan di delegacion a bin na cla cu e tratamento di e asunto aki den e parlamento di e diferente paisnan di E.E.G. ta bayendo den bon direccion, y cu na fin di anja tur e paisnan asocia lo a entrega nan „objeto di ley“ tocante di e asociacion di Antillas. Segun nos a wordo informa e contract di asociacion aki ta wordo cera pa eternidad, mientras cu e teritorionan na ultramar por anula, pero no e E.E.G.

E islanan Frances, manera Martinique y Guadeloupe ta cu bai di un otro reglamento, como nan ta wordo considera un parti di e pais Frances.

Ayer a delegacion a sali for di Aruba pa Surinam, despues di cual nan lo bishita Frans Guyana, Martinique y Guadeloupe. En total e gira aki di e delegacion na e teritorio di Caribe lo dura 3 siman y mei.

#### Associacion

E delegacion tabata sumamente satisfeco y contento di e echo, manera cu e combersacionnan y deliberacionnan a tuma lugar y e manera honesto cu e preguntanan a wordo contesta. Loke ta trata di e asociacion di Antillas cu E.E.G., cual manera ta conoci no a tuma lugar asina liher cu a wordo spera, e delegacion a informa, cu esaki tin

### E morto di Diana Churchill tabata suicidio

LONDEN, 25 okt. — E morto di Diana Churchill, e viu muhe mas bieu di Sir Winston Churchill, tabata un caso di suicidio, asina a wordo participa oficialmente. E cadaver di Diana Churchill, cu tabata casa cu Duncan Sandys e actual minister Ingles di colonia, a wordo hanta morto dia-domingo na su cas.

Diana Churchill, cu tabata 54 anja, kende a parti na anja 1960, tabata traha na un organizacion cu ta trata di kita futuro comediadon di suicidio for di nan plan. E hefe di e organizacion aki a declara cu senjora Churchill tabata gusta bida y tabata feliz den su trabao.

### PORTUGAL TA AMENAZA DI SALI FOR DI N.U.

NEW ORK, 25 okt. — Portugal a menaza pa renunciar su afiliacion den Nacionnan Uni si e organizacion aki no tene su mes mas es pletamente na su convenio. Minister di asuntunan exterior di Portugal, dr. Nozueira, cu a declara representantenan di prensa esaki a bisa di ta spera, cu Portugal lo no tin mester di tuma e paso aki. Esaki lo ta posibel solamente si Nacionnan Uni „tuma un otro actitud segun Nozueira, e keso di Portugal ta trata dje acusacion di asuntunan den e pais di un estado miembro.

### JUBILEO COMUNIDAD METHODISTA NA ARUBA

SAN NICOLAS, 24 okt. — Dia 3 di november venidero lo ta 25 anja pasa cu e comunidad Methodistica a wordo estableci na Aruba. En relacion cu e jubileo aki un siman di programa na miembronan y invitadonan a wordo prepara.

Dia 3 mainta pa 8'or, lo tin un servicio special pa e miembronan di e congregacion aki den e Iglesia Methodistica, mientras cu 4'or di atardi lo tin un marcha di e miembronan door di e ebanan di San Nicolas acompaña pa banda etc.

Un cuarto pa cinco mes un atardi lo tin un encuenro publico na Wesley Auditorium caminda Gezaghhebber O. S. Henriquez lo ta huesped di honor. Orador e atardi lo ta Rev. A. Didier kende ta president di e distrito di Antillas di e comunidad Methodistica. Dialuna atardi 4 di november e yunan di e miembronan di e congregacion lo hanta un „reat“ na Wesley Auditorium y anochi lo tin un encuenro especial atrobe pa e miembronan.

Diamars dia 5 di november pa 8'or di anochi tin un concierzo na ocasion di e jubileo, tocante di cual mas despues lo tin mas informacion exacto.

Diarazon dia 6 di november pa 5'or di atardi tin un recepcion chikito pa e miembronan „bienu“ di e comunidad, y anochi pa 7'or y mei un anochi social pa tur e miembronan.

E ultimo dia di e celebracion di e jubileo lo ta diahuebs 7 di november, cu un sirbishi di rededicacion di e oficialnan, lidernan, lidernan asistente, maestronan di school di dia-domingo, lidernan di hubentud, y predicadornan local.

Informacion mas extenso tocante di e programa aki lo wordo duna despues.



## Uw lievelingszeep zeer voordelig!

Lux, Uw toiletzeep. Zo zacht en zuiver... zo vertrouwd. Lux is nu bijzonder voordelig. Bij aankoop van 3 tabletten Lux Toiletzeep krijgt U er één gratis. 4 tabletten Lux bij één in een fleurig pakketje van 4 mooie kleuren.

**4 VOOR DE PRIJS VAN 3**

**LUX TOILET ZEEP!**



### ERHARD SU PLANNAN DI VIAHE


LONDEN, 25 oktober. — E canceller nobo di Alemania West, prof Erhard, lo bishita algun pais otro luna. Dia 21 y 22 di november Erhard lo bai combersa cu president De Gaulle di Francia. Dia 24 di november e ta sigui cu avion na Washington, unda e lo tin dos dia di deliberacion cu president Kennedy. Tambe e lider di gobierno di Alemania West a acepta un invitacion di Lord Douglas Home na e bishita London. Un fecha na e bishita ey no a wordo stipula ainda. Circulonan gubernamental na London ta spera cu Erhard lo bishita London dies despues di su bishitanan na Paris y Washington.

### Pakistan ta exige pa sera bibliotecanan di India

KARATSJI, 25 okt. — Pakistan a laga India sa cu e mester sera su leeszaalnan publico na oost Pakistan, pasobra e institucionnan aki ta centro nan di actividad destructivo y hostil contra Pakistan. Tambe parse cu e altu comisario di India na Karatsji lo mester stop cu su propaganda di mala fe.

### underwood 18

De lichtgewicht portable schrijfmachine met een standaard toetsenbord van normale grootte 44 toetsen, ideaal op reis en voor gebruik thuis, ultra modern en elegant uitgevoerd, inclusief tweekleurige tas...



**f. 112,—**

Desgewenst op gemakkelijke betalingsvoorwaarden verkrijgbaar.

**PALAIS ROYAL ARUBA N.V.**

## Peticion Figaroa y Lewis pa administrador IOWUA ningá

ORANJESTAD, 25 okt. — E peticion di senjornan Vicente Figaroa y Michael Lewis na huez pa nombra e griffier den promer instancia senyor E.E. Mohammed di mr. CWLI Henfke, notario na Aruba como administrador di Independent Oil Workers Union of Aruba a wordo rechasa Diarazon ultimo pa huez.

E dos miembronan di e union a hazi e peticion aki en relacion cu e

sentencia di huez dia 7 di october ultimo. Nan tabata di opinion cu tabata necesario pa e asuntunan di IOWUA cu tin di wordo trata ainda por continua y entre otro e formatamento di un directiva nobo Huez B. Swanenburg den e caso aki mesos cu den esun di peticion di senyor Jossy Croes anteriormente pa nombra e directiva di IOWUA, cual a wordo eligi dia 26 di agos como administrador "a" wordo menga ariba base di e articulo 513 di Buku di Leynan Civil di Antillas. Esta cu considerando cu IOWUA no a laga su residencia, e peticion na por wordo accepta". Segun e articulo menciona un administrador por wordo nombra solamente ora cu situacionnan ta di manera cu esun kende su asuntunan e interesnan tin di wordo administra a laga su lugar di bida sin laga autoridad pa trata su asuntunan y interesnan.

### „ANTILLIAANSE COURANT“ DEN FORMA NOBO

ORANJESTAD, 24 okt. — Ultimamente nos redaccion a ricibi un „Antilliaanse Nieuwsbrief“ den forma nobo. E seminario aki tin siman ta wordo publica na Hulanda door di „Anillenhuis“ na Den Haag y ta duna informacion di e asocetanan y desarollonan di mas importante cu a tuma lugar na Antillas. Esaki ta tuma lugar en cooperacion cu e Servicio Informativo di Gobierno Central y e diarioman local. „Antilliaanse Nieuwsbrief“, pa promer biaha a wordo publica na anja 1959 y e tempo ey tabata conta 500 exemplar, cual tabata wordo gestencil. Awor e resemnan ta un total di 3.000 exemplar. E forma nobo di „Antilliaanse Nieuwsbrief“ tin un cabez cu na robey e bandera Antillana den e colornan cora, blanco y blauw, mientras cu e nomber „Antilliaanse Nieuwsbrief“ ta den leternan blauw entre un linea cora y un linea blauw. Awor „Antilliaanse Nieuwsbrief“ ta wordo gedruk cu leternan chikito. Den e promer forma nobo aki di e seminario, Ministro Plenipotenciario W.F.M. Lampe ta duna como su deseo cu e forma nobo aki lo hanta e mes un acogida y cu e lo duna e informacion necesario mesos cu su antecesor. E seminario aki mavoria ta wordo manda gratis pa studianan Antillano na Hulanda y e interesadonan.



### FATUM — Tel.: 1845 pa tur bo aseguronan

Na e showroom di Viana Auto Supply na San Nicolas a tuma lugar ultimamente e entregamento di e auto cu a wordo gana door di senyor Rahamut Edoo cu un rifa di Aruba Chapter AMORC. Aki nos ta mira e momento cu senyor H.P.A. van Schouwen ta entrega e yabi na senyor Edoo. Presente tabata na momento di e entregamento senjornan H. Hopmans, L. van Delden, M. Chase, mesos cu senjora Van Schouwen, representantenan di Aruba Chapter AMORC. Huntu cu senyor Edoo tabata presente senyor Sonny Lewis kendenan a bin ricibi e Fiat 1300. E rifa aki a wordo organisa pa hanta fondo pa establece un biblioteca y sala di lesa cual lo ta surti cu materialnan cu ta trata cu ciencia, filosofia y historia primeramente. Estante lo ta pa facilidad di publico interesa.



E sabor „insuperable“ cu solamente Libby's por duna bo, Buniteza y sabrosura combiná, pasobra frutanan di Libby's ta suave y toch firme, y nan ta dirti riba bo lengua.

**N.V. WINKEL'S HANDEL MIJ.**







E hombernan cu a caba di bula for di un avion aki ta paracaidistanan Mericano cu ta practica e saltanan den aire manera un deporte. Bulando for di un altura grandi nan ta warda te na ultimo momento pa habri nan paracaída. Un asunfo hasta peligroso den cual fracccionnan di seconde ta conta. Riba e portret di accion aki nos ta mira e paracaidistanan cu nan paracaídanan sera ainda den nan caída pa terra.

### CRITICA FRANCES RIBA SIR HOME

PARIS, 25 october. — E Semanal degaullista „Candido“ ta bisa cu e premier nobo di Inglatera, Sir Alec Douglas Home, ta e politico mas anti Frances di tur esnan responsable di Inglatera. Segun „Candido“ Home tabata dirigi personalmente diferente negociacionnan secreto cu e Hulandes y Belganan cu abata intencion na pa dentro di EEG forma un frontera uni contra Francia.

Na Paris el a describi Francia como un cargo infructuoso y cu ta den caminda. cual palabra a convece hasta e representante di Hulanda serca NAVO.

## Hafnan di Amsterdam y Rotterdam

AMSTERDAM, 25 oct. — Completamente segun plan dje comite di huelga nan a sigui ayera cu trabao den haf di Amsterdam. Ora cu e equipo di anochi, consistiendo di mas o menos 1.200 homber a bai traha nan varios empresanan.

Ajera tardi e chauffeurnan di karaan na un empresa di haf di Rotterdam na Waalhaven a stop di traha y nan a manda nan cas despues.

### UNIDAD NOBO DI MONEDA NA BRASIL

BRASILIA, 25 oct. — E comision huridico di e camara Brasilenjo di diputado a aproba un proyecto nobo di pa reemplaza e actual unidad di moneda na Brasil „cruzeiro“ pa „braza“. Segun e proyecto un „braza“ lo hanja bator di mil cruzeiro.

150 Spanjo, cu e asociacion di navegacion a hiba Rotterdam no a traha foi ayera nochi pasobra nan ta insinua di lo no hanja e suma cu nan a pigninti nan. E punto dje conflicto ta, cu nan a pone oposicion contra halamentu aden dje adelanto, cu nan a paganan na nan yegada pa por haci algun compra necesario.

### Pareha Real y princesa Beatrix a regresa Hulanda

DEN HAAG, 25 oct. — 25 Su Mahestad La Reina Juliana y su Alteza Real Principe Bernhard y su Alteza Real Princesa Beatrix, ayera nochi a regresa Hulanda. Nan a yega na base aerea soesterberg despues di nan bisita na Persia y Tailandia, segun un noticia foi Den Haag.

### FILMLIGA ARUBA TA PRESENTA „DITTE, UN YIU DI HENDE“

ORANJESTAD, 25 okt. — Dia 27 di oktober venidero, Filmiga Aruba ta presenta pa 8'or di anochi den Centro Cutural, „Ditte Menneskebarn“ (Ditte, un yiu di hende), como pelicula principal despues di a presenta Food-or Famine (Cuminda of hamber), un pelicula di color di Shell, cual ta trata e crecimiento enorme di e poblacion di mundo, y e peligro di scardedad di cuminda en relacion cu esey y e medidanan cu Food and Agriculture Organization di Nacionnan Uni tin planja pa combati e amenaza aki. E pelicula a wordo filma na Europa, Zuid-Oost Azië, India y Sur-America pa Shell Film Unit.

E pelicula „Ditte, yiu di hende“, ta un pelicula Danes cu ta trata na un manera yen di tencion e drama social un mucha muher, kende hoben, pero toch balientemente ta accepta e maternidad.

Na anja 1949 e pelicula aki a hanja Premionan Grandi di Venecia, Milano, Helsinki, Stockholm y Marianske-Lazne.

E conocido critico di pelicula A. van Domburg, kende durante „Siman di Buki“ tabata na Aruba pa duna algun lectionnan tocante di pelicula a scribi tocante di „Ditte, un yiu di hende“ lo siguiente: „E Danesman, tin tambe ariba tereno di pelicula, un bon nomber. Awor nan a comproba nan reputacion door di e pelicula Ditte, segun e conocido roman di Nexo, filma pa e duo Henning-Jensen, cu aki ta muestra un pida di bida na un manera real, manera cu masha poco por worde mira den un pelicula. Ditte ta un yiu di afor, di un mama pover cu ta biuda cu tres yiu y ta casa y ta trata su mes yiu muher malo. E mucha, proteha pa su padrasa, ta mantene su bon caracter, pero ora cu e mama pa motibo di matamento bai sera, e tin di bai traha cerca campesinanan rico. E e ta enamora di e yiu homber di e cas. No mayor di edad ainda, e ta bira e victima di su desconfiancia pa felicidad entre tur e circunstancianan diprimiente. E mama di e mucha homber cu promer ta parece di ta pa banda di e mucha muher ta pone na careda for di e cas. E ta bai serca e unico hende cu lo por compronde, su padrasa, y balientemente ta cuminsa traha pa wanta e resultadonan di su fecho manera cu mester ta. E pelicula no ta un cu ta trata ariba e maldad y no ta purba tampoco pa muestra e echo como algo bon, pero ta muestra claramente, cu e mucha aki e tabatin gran confianza den bida lo tabatin otro suerte, si e tabata rondona pa elementonan honesto y alfin ta reconoce e balentaria, cu cual e futuro mama kier carga e consecuencianan di su echo. Un confianza honesto den bida ta salba aki un yiu di hende, cual tabata worde meznaja di bai perdi, pero pa cual tin un resolucio no obstante cu tin contratiempnan“.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

Pa dia 10 y 11 di november tin programa „Audace Colpo Dei Soliti Ignoti“ (Ladronnan tin dificultadnan atrobe). Un pelicula comico Italiano cu ta trata hortamento di un boekhouder di voetbalto, pa algun ladronnan, kendenan pa nan bobedad ta hanjlanan den tur sorto di dificultad. Esaki ta un programa di 35 mm.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

Van Domburg ta sigui den su articulo, mustrando e bon coordinacion di e pelicula, e manera cu e ta worde hunga, e musica, y composicion.

# YABI

## pa bo exito

**AUSENTE**  
Dr. D. R. de la FUENTE  
Consulta ta keda na encargo di  
**Dr. A. van der HOEVEN**  
Oficina y residencia  
B. v.d. Veen Zeppenveldstraat 91 - San Nicolas — TEL. 5648  
Ora di consulta: 8 — 11 a.m. y 3 — 6 p.m.

**CAMISA**  
manga largu  
blancu y den  
varios color.  
**SPORT-  
SHIRTS**  
den tur estilo  
y prijs.

Tambe nos tin un gran surtido di

**FLUS CU DOS CARSON**

„peso pluma“

Ademas tur otro articulo pa caballeros.

**LA LINDA**

**TA BENDE**

Varios muebles y otro articulo pa cas.

Pa inf: **SEROE COLORAOO**  
Bung. 637. - Tel. 2583.

**NOBO NOBO NOBO**  
NASSAUSTRAT No. 34

Nos a caba di ricibi for di Suiza bunita tela pa traha „Two-piece“ of suit, y den bunita color. Tela „Whipped Cream“, cu no ta machika, especialmente pa bistr di sal. Tela nobo pa cortina „Fiber-Glass“, cu disenjos moderno!

**ANTI REVOLUCIONARIONAN A WORDE ESTAFA**

MIAMI, 25 oct. — Dos exilado Cubano na Miami cu a paga mil dolar pa compra di armanan lihe, a worde estafa.

E cahanan cu arma a resulta na entrega cu tabata cahanan cu blokki di beton.

E Cubanonan, cu ta forma parti di un frente anti-comunista contra Castro, a entrega un keho serca polis contra e estafadonan.

**YUDANZA DI RUSIA NA CUBA DESPUES DI ORKAAN**

MOSCU, 25 oct. Rusia lo duna Cuba material na gran escala pa construi cas, panja, zapalo y remednan como yudanza na recuperacion di e danjo causa pa orcan Flora. Tambe lo bai expertonan Ruso na e pais. Chroetsief a manda bise Fidel Castro asina den un carta cu ta cuminda: „Estimado companjero“.

E envia di e articulonnan di yudanza lo cuminda otro anja, pero e victimanan den e terrorlorionan azota lo worde provisiona inmediatamente di loke nan tin mester tan leu cu por cohe for di e provisionnan Ruso cu ya ta na Cuba.

**ACCION NOBO CONTRA DI SUR AFRICA**

NEW YORK, 25 oct. — Representantenan di Nacionnan Uni di algun pais Africano a participa di ta di opinion di pidi un sesion urgente di Consejo di Seguridad, cu lo tuma luga otro siman den un intento nobo pa alcanza actuacion contra politica Suraficano di apartheid. Probablemente nan lo haci e peticion den algun dia.

**INGLATERRA A GANA EQUIPO MUNDIAL 2-1**

LONDEN, 25 oct. — Inglatera a gana e partido di futbol contra sobra di mundo (number oficial di e onena tabata FIFA-icam) cu score 2-1.

E partido aki a worde efectua na London na ocasion di prome sizo di existencia di e federacion Ingles di futbol.

Den e prome mitar di e encuentro no tabatin anotacion, aunque cu e atakenan di e Inglesnan tabata muestra algu mas peligroso cu di nan adversarionan. Portero Jaschin a haci algun save fantastica, mientras cu na e otro lado Banks a para un tiru di Alfredo di Stefano. Den e ultimo part di e partido Paine y Greaves a anota pa Inglatera, mientras cu Denis Law a peca pa e gol di e team di mundu.

Avisa den  
**ARUBAANSE COURANT**  
y compara e  
resultado

VERF MARCA  
**ROMART**

INTERIOR — EXTERIOR  
ROMART TA UN VERF MODERNO, CUIDADOSAMENTE MESCLA PA PROTEHA E SUPERFICIE COMPLETO.

1 galon f. 5.10  
1/4 galon f. 2.25

Tambe tin tur sorto di KWASHI. Obtenible na:

**Panama Store**

**SALON CARIB**  
Nassaustraat 75-C — Tel. 3266

E direccion preferi pa:  
Permanent - Tinja cabi - Set cabi  
- Peinado - Manicure - masaje pa damas y caballeros.

**BARBERA**  
pa caballeros y mucha - feitados.  
JUANITA C. CROES  
gradua na Pto. Rico Barber College

A caba di jega  
un lote di  
**TAPIJT**  
masha precioso.

Calidad superior  
importa for di  
Hulanda.

Nos tin  
nan den  
diferente  
tamanjo.

Pasa mira nan awe mes na:  
**ACME STORE**  
Tel. 5381 - 5384

**PEOPLE STORE**  
San Nicolas

a caba di ricibi:  
\* TELA PA CORTINA  
den disenjonan moderno  
\* PANJA DI MESA  
cu kanchi y bonita terminacion  
\* TELA PA BISTR  
un surtido unico, di alta calidad  
y wash & wear.  
\* ZAPATO „CAPEZIO“  
pa damas den ultimo creacion tambe  
nos tin boton, gresp, kanchi, etc. y hopi  
otro articulo mas.  
Durante Oct. Nov. y Dec. nos tin un  
rebaha especial ariba tur articulo.

**PEOPLE STORE**  
e cas di pueblo y semper pa e pueblo!

**CISCO KID** presenta pa cortesia di

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**EPITA** pa cortesia di: **Antillian Hardware Co**

E mejor adres pa VERF, KWASHI, TUR CLASE DI HERMENT, articulo sanitario.

Francia a lanza un pushi den espacio cu exito. E animal tabata den un capsula den nanishi di un raket tipo Veronique y a regresa terra cu un paracaída. E Francesnan ya caba a lanza tres rata den espacio. Esaki ta e pushi di espacio „Felix“. Riba su cabes tin elektrodan pega cu a manda durante e vuelo impulsanan pa terra.



# SER PERSONAL AUNQUE E DISTANCIA TA GRANDI...



Pa bo amiguan y sernan stina leu for di bo, nada ta mas bonbi cu un portret personal di familia, di cas of stionan familiar.

Repa bo album of coleccion di portretnan cu bo a jega di saca, y selecta esun cu lo bo desea di manda ariba un tarjeta postal di Pascu y Anja Nobo.

Pero e dia no ta tautu leu manera bo ta kere... fecha final pa traha bo postal ta:

12 di NOVEMBER 1963.

25 tarjeta cu envelop den pretu cu blanco, pa solamente fl. 8.50

25 tarjeta cu envelop di color, pa solamente fl. 17.—

Pa mas informacion acudi of jama

AGENTE PA KODAK NA ARUBA NEME IMPORT EXPORT CO.

Tel. 1754 - 1775 - 1840

## PROTOCOL HULANDES MERICANO A WORDE FIRMA

DEN HAAG. 25 oct. — E secretario di estado pa exterior, mr. L. de Blok, y e embahador Mericano na Hulanda, senor J. S. Rice, ayera mainta a firma e protocol na e acuerdo Hulandes-Mericano di 29 di april 1948 pa evita belasting dobel y elimina cu por keda sin paga belasting. E acuerdo aki ta referi na inkomstenbelasting y cierto otro belastingnan.

E protocol a worde firma den presencia di minister plenipotenciario di Antillas, senor W. F. M. Lampe. E cambianan y aplicacionnan ta limita e actual extension y menguacion di e belasting Mericano riba fuente y dividendo, interes y royalties cual algun companianan Hulandes y Antillano di inversion y otro ta goza di dje actualmente.



Trucknan cu trupanen Algerino ta sali aki di Colomb Bechar, pa caminda na e frontera cu Marokko caminda nan a participa den lucha pa Hassa Beida y Tindjoub.

## SAN NICOLAS STARS A DERROTA CLIPPERS 10-5

(Di nos Redactor Deportivo)

Diarazon anochi den Wilhelminastadion den continuacion di e interesante campeonato di softball a worde hunga dos wegá mas.

Den e promer San Nicolas Stars a derrota e novena di Paxton Clippers cu anotacion di 10 carrera pa 5. E strellanan a conecta total di 14 hit y comete dos pifia, e muchanan di Companashi a conecta 9 hit y a comete tres error.

Ambos equipo a produci un homerun. Esun di San Nicolas Stars door di Ramon Buckley y esun di Paxton Clippers door di Eric Bergeijk.

Pitcher ganador tabata Ramon Hodge, perdiendo M. Tromp. Pa San Nicolas Stars esaki ta nan triunfo number 4 contra di un derrota y pa Paxton Clippers esaki tabata nan tercer derrota, loke ta pone nan cu mes hopi derrota cu triunfo. E segundo match di diarazon a:

### DI E CAMPEONATO ESCOLAR

(Di nos Redactor Deportivo)

Diarazon afardi den Wilhelminastadion a worde hunga e promer partido di futbol elase B di e campeonato escolar. E oncena La Salle a enfrenta esun di A.T.S. y a sali vencedor cu anotacion di 4 gol pa 1.

Awe tardi ta tuma luga dos encuentro di volleyball femenino perteneciente na e campeonato escolar. Ariba cancha di Terezius College ta hunga immaculata contra di Maier Dei y luego Juliana contra di Antonius.

nochi tabata entre Douane y Amstel. Cu anotacion di 12 carrera pa 7, e douaneronan a sali triunfador riba e cerveteronan. Respectivamente e equiponan a conecta 10 y 11 hit y a comete 4 y 7 error.

Pitcher ganador tabata Cholan Jacobs y perdedor J. van der Biezen. Incluyendo e dos partidonan aki nos ta hanja cu e equiponan ta ocupando e siguiente puestonan:

CLUB	WG	WP	WA
Aruba Jrs	5	0	0
San Nicolas Stars	4	1	1
Gavilanes	5	2	1
Douane	4	2	1 1/2
Novatos	4	3	2
Clippers	3	3	2 1/2
Plymouth	3	4	3
Elmar	2	4	3 1/2
Rapiños	2	4	3 1/2
Caribe	1	5	4 1/2
Amstel	1	6	5

Proximo partidonan di e campeonato lo worde hunga awe nochi. E prome lo ta entre Elmar y Los Novatos y e segundo lo ta entre Aruba Jrs y Plymouth.

### MIEMBROAN DI MARINA HULANDES SERCA PAPA

CIUDAD DI VATICANO, 25 oct. — Ayera Papa Pablo a ricibi 150 militar di marina Hulandes: tripulante nan di Smaldeel I en audiencia. E audiencia semanal general aki a worde asisti tambe pa miembroan di marina Ingles, peregrinonan di e ciudad Frances Limoges y algun otro extranjero mas.

## Cumpleanjos

Awe dia 25 di october ta celebra su di 3 anja e hobencita Elvira Patricia Geerman. Felicitacion ta bini di su tata Rey, mama Pancracia, rumannan Robby y Marica, welanan Modesta y Loncita, welonan Jacintho y Dominico, tanta y omonan, padrino Simon Werleman, madrina Adriana.

Awe dia 25 di october ta cumpli anja senjora Catarina de Yongh, felicitacion ta bini di su estimado esposo Theodor, yunan Rubelsda, Theo y Elva, felicitacion ta bini tambe di Sep y Martina Tromp y familia Pourier.

Awe ta recorda cu 12 anja pasa nan a drenta enlace matrimonial e feliz pareha, senor Enrique Giel y senjora Aida Giel Gomez, felicitacion ta bini di nan mamanan Wana Koolman, y Braula Giel, rumannan Ergilio Gomez y Crismo Koolman, sobrina Rica Giel y muy especialmente di nan yunan Alfonso, Edwin, Arwin, Winalda, Marisca, Frensdal y Rudsel, tambe di nan amiga na Corsow senjorita Lidia Martis.

### Equipo di volley Dominicano lo hunga aki

(Di nos Redactor Deportivo)

Directiva di Aruba Volleyball Association a ricibi un oferta pa presenta un equipo di volleyball masculino procedente for di Santo Domingo na nos isla. E oferta a worde haci door di Jose Antonio Gonzalez Benitez, kende ta president di e Asociacion Deportivo Manuel de Juse Liriano y tambe di e Liga Atletica Policiala Dominicana.

E dominicanan a propone como fecha pa hunga dos partido aki, entre dianan 16, 17 y 18 di november. Lo worde hunga dos wegá.

E delegacion lo consisti di un total di 14 persona.

Directiva di Aruba Volleyball Association a acepta e oferta y a cuminsa cu e preparacionnan pa presenta otro encuentroan internacional di volleyball na nos isla.

### TRIGO MERICANO PA HUNGRIA

WASHINGTON, 25 oct. — E minister Mericano di comercio ayera a duna vergunningnan pa export di 1.2 milyon bushel di trigo pa Hungria. E cantidad aki ta igual na 30.000 long ton y tin un balor di casi 2 milyon dollar.

Ta di prome biaha cu un vergunning pa export di trigo na oost Europa ta worde otorga despues cu president Kennedy a duna su aprobacion na e venta di trigo na Union Sovietico. Hungria ta cumpra maishi pa cuminda di bestia.

### PRISJ ALTU PA CUADRONAN

LONDEN, 25 oct. — Na e subasta di arte di Sobethbu na Londen un cuadro di e Frances (Paul Cezanne, "E Baayadonan") a worde vende pa mas o menos 220.000 florin. Un pintura di pen di Picasso, un portret di su rumen muhe, a produci 162.000 florin. E pintura a worde compra pa e fundacion Henry Zinef for di New York, cu a compra pa un total di 1.2 milyon florin na articuloan di arte na e subasta. Tambe e fundacion aki a compra dos cuadro di Calude Monet.

## AGENDA

Diabierne 25 october 1963  
DE VEER 8.30 p.m.: "Hercules and the Queen of the Amazons" 11.15  
RIALTO 8 p.m.: "Blackboard Jungle" 11.15  
PRINCIPAL 8 p.m.: "Experiment in Terror" 11.15  
AURORA 8 p.m.: "Guinness of Abeline" all  
8 p.m.: "Tarzan and the Green Goddess" all  
SAVANETA 8 p.m.: "The Lion" 11.15

### BOTICANAN DI WARDA

Oranjestad: Botica Aruba, tel. 1081-1180  
San Nicolas: Botica San Lucas tel. 5119

### DOKTERAN DI WARDA

Oranjestad-Noord: Dr. J. R. Leo  
San Nic-Sta. Cruz-Sav: Dr. R. de la Fuente

### WIT-GELE KRUIS

Oranjestad: Dr. Ewald  
San Nicolas: Dr. P. Perpetua  
Santa Cruz St. Lidovio

### POSTSLUISING Diabierne

Antigua, Argentina, Chile, Colombia, Costa Rica, Cuba, Ecuador, El Salvador, Europa (C.A.S.A.), Guatemala, Haiti, Honduras, Jamaica, Martinique, Mexico, Montserrat, Nieuw Guinay, Nicaragua, Panama, Paraguay, Peru, Puerto Rico, Rep. Dominicana, Suriname, Trinidad, Uruguay, Venezuela, Virginias, Yucatan, Zaire, etc.

### RADIO ANTILLANA


Diabierne 25 october 1963  
03.30 Apertura  
06.10 News in English  
06.30 Noticiero na Papiamentu  
06.45 7.45 a.m. Bal Trabao den compania di bo companjer constante Radio Antillana  
07.10 News in English  
07.30 Noticiero na Papiamentu  
07.45 Noticiero musical  
08.30 Musica varia  
08.15 Programa na aman di cas  
11.15 Regalo musical  
12.00 Melodias Antillanas  
12.15 Noticiero na Papiamentu  
12.25 Melodias Antillanas  
12.45 Charla deportiva  
01.00 North American music  
02.30 Album di recuerdo  
02.30 Boleros romanticos  
03.15 Festival musical  
03.30 Programa pa pacientnan den hospital  
04.00 Programa "La Esperanza"  
04.30 Felicitaciones  
05.00 Noticias na Papiamentu  
05.15 Calypsoarama  
05.30 Calendario Antillano  
05.45 Programa Arubense Voorlichtingsdienst  
06.00 Musica varia  
06.15 Musica Norte-Americana  
06.30 News in English  
06.45 Variedad musical  
07.00 Felicitaciones y complacencias  
08.30 Apostolado del Aire  
09.00 Musica Latina  
09.15 Musica varia  
09.30 Anforas  
10.20 Resumen di noticianan  
10.30 Clausura.

### RADIO KELKBOOM

Diabierne 25 october 1963  
7.00 Opening  
7.02 Bon dia cu alegria (instrumental)  
7.30 Musica matutino  
9.00 Noticiero na Papiamentu  
9.15 Musica varia  
10.00 Noticiero internacional  
10.05 Ritmos Latinos  
10.30 Programa di N. Habibe Jr  
11.00 Noticiero internacional  
11.05 Musica Norte-Americana  
11.15 Musica Antillana  
11.30 Musica varia  
12.05 Noticiero internacional

12.20 Musica Norte-Americana  
12.45 Noticiero local  
01.00 Musica varia  
01.30 Mel ora cu boleros  
02.00 Melodias instrumentales  
02.30 Nos artista invita  
03.15 Mervues  
03.30 Calypso  
03.45 La Macorisana & International  
04.15 Noticiero na Spanjo  
04.30 Musica cu sabor Azteca  
04.45 Cocktail musical  
05.00 Danzones Cubanos  
05.15 Musica varia  
06.00 Noticiero deportivo  
06.15 Musica varia  
06.30 Musica para la cena  
06.45 Voorlichtings Dienst (A.V.D.)  
07.00 Noticiero internacional na Papiamentu  
07.15 Musica Europeo  
07.45 Musica Norte-Americana  
08.15 Novela (Vida Robada)  
08.45 Musica varia  
09.00 Musica, Poesia y Composicion Antillana  
09.30 Musica Varia  
10.00 Sluiting.

### Personanan di bon gusto ta prefera entre e mehoran E MEHORI



REY DE COPAS  
ARUBA DISTILLING COMPANY  
Wilhelminastr. 47 — Tel. 1266

### TELE-ARUBA

Diabierne 25 october 1963  
03.30 Cartoons  
06.00 Israel Presents  
06.30 Robin Hood  
06.45 Papiamentu Newscast Live & Filmnews  
07.00 Gunsmoke  
07.30 Sports News  
07.45 Frankie Lane  
08.15 Dangerous Robin  
08.45 English Newscast Live & Filmnews  
09.00 Perry Mason  
10.00 Sign off.

### RADIO VICTORIA

Diabierne 25 october 1963  
A.M.  
9.00 Apertura  
9.05 Ultimas noticias  
9.15 E bijel habri  
9.30 Canticanan di evangelio  
10.00 World news  
10.10 The Bible for you  
10.15 Radio Revival  
10.45 Organ melodios  
11.00 Chapel of the air  
11.15 Songs of the Christian Faith  
Supermarket  
11.30 Melodias di merdia  
P.M.  
12.00 Ultimas noticias

12.15 Musica sagrada  
12.30 World news  
12.45 Quiet time  
1.00 Radi concert Hall  
2.00 Reading room  
2.15 Songs of Zion  
2.30 Quiet hour  
2.45 Ensenos musicales  
3.15 Cafe con musica  
3.30 Luz y herdad d  
4.00 Musica di banda  
4.15 Ultimas noticias  
4.30 Melodias  
5.00 Joyas del hogar  
5.15 Palabranan di bida  
5.30 Radio Kids Bible Club  
6.00 Ultimas noticias  
6.30 Control central  
6.45 Nederlandse nieuws  
7.00 Voorlichtingsdienst  
7.15 Litsin post  
7.30 Unshackled  
8.00 World news  
8.15 Off the record  
8.30 Back to the Bible  
8.45 Musical gems  
9.00 Haven of rest  
10.00 Word news  
10.15 Kinsakele muziek  
11.00 Sign off.

### RADIO CARACAS TELEVISION

Diabierne 25 october 1963  
8.45 Senderos de luz  
9.00 Caja con sorpresas  
10.00 Jardin de infancia  
10.30 Ingles por T.V.  
11.00 Programa de Cecilia Martinez  
11.45 Novela  
12.00 Show de Saums  
12.05 Noticias  
12.15 Comed Show de Saums  
12.15 Se necesita una amiga  
12.30 Novela  
14.00 Punto y aparte  
14.30 Yo se lo vendo  
15.00 Estudio de Hector Monteverde  
15.30 Perfecta ama de casa  
16.00 Aventuras de Fopeye y Yoyo  
16.30 Mejias y sus muchachos  
17.00 Busque su marca  
17.30 Pelicula  
17.55 Noticias  
18.00 Papa lo sabe todo  
18.30 El extrano mundo del Pantano  
19.00 Teletatro  
19.30 Nuestra Peggy  
20.00 El observador  
20.15 Novela  
20.30 Cranetoea de los Genios  
21.00 Pantano  
21.30 Ajezres fatal  
22.30 Noticias  
23.30 Cine para todos.

### REPUBLICA DOMINICANA TA ABOLI ESTADO DI SITIO

SANTO DOMINGO, 25 oct. — E junta militar, cu actualmente ta gobernando na Republica Dominicana, a abolir estado di sitio na e pais. E estado di sitio a worde proclama dia sheptiembre 16, despues di irregularidadnan, cu cual bahamentu di ex-presidente Juan Bosch a tuma lugar.

### TIROTEO NA GUATEMALA

CIUDAD DI GUATEMALA, 25 oct. — Gobierno di Guatemala a hacja participacion di dos tiroteos cu tabatin den e pais y cuallan a costa bida di algun persona.

Un patruya di gobierno a hanje den un choque cu rebeldanan riba e caminda cu ta dirigi pa e capital di e pais. Den e tiroteio aki dos rebeldes a perde nan bida. Seis otro a hui.

Diadomingo diezun rebelde a ataca un bus, cu tabata na caminda pa Puerto Barrios. Un polis y diferente otro ocupante di e bus a muri. Un rebeldes a worde mata na e tiroteio, cu a cuminsa despues di e atake riba e bus.

Pero pa un asesinato riba un hende conde Leo tabatin miedu. Un yiu chikitu bo por a laga dispare facilmente pero un mucha grandi. Pakiko e Diana aki a bini bek? el a puntra su mes cu moketanan sera di rabia. E no por a keda caminda e tabata? Tabatin un posibilidad el a corda di repente, pa sake for di curazon di su esposa.

Si Diana lo demostra cu e tabatin un mal karakter, anto Gina lo comprende, cu e mucha aki nunca no por ta su yiu. Conde Leo a hanja un solucion. Atardi su esposa a keda sorpresa cu su humor alegre y contentu. Un siman prome cu nan a palabranan, nan a regresa pa cas. E condesa tabata decidida pa tambe contra voluntad di su esposo, bai serca Diana pa quizas si tabata posibel sake for di e vecindario malu. E tabatin basta placa, y Diana sigur tabata un mucha muher cu por a para riba su propio pia. Solamente e tabatin mester di un poco ayudo.

E prome dos dianan despues di su regreso e no tabatin oportunidad pa bai. Tres dia despues el a corre den un taxi pa e bario pover, eaminda senjora Maske tabata biba. Su cara tabata corra di speranza, su wovonan tabata brillan, e no tabata sospecha kiko tabata spere. Diana e dia ey mester a haci su trabao di custumier.

—Bo mester hiba e panjanan aki un bez pa senjora Geerken. Y no tarda.

—Si, mi no ta tarda nunca. Esey tabata berdad.

Tabata un dia friu y biento tabata supla masha mahos. Pakiko e famia Geerken ta tresa nan panja pa nan? Diana tabata puntra su mes. Tin otro lavandaria mas serca toch. E famia Geerken tabata hiba den un cas netji. Diana a hiba e macuto dos trappi y a bati na porta. Un muher mahos den un housecoat a habri porta.

—Kiko bo ta desea? el a puntra rabia.

—Mi ta tresa e panjanan di senjora Maske.

—Y ken abo ta? e muher a puntra.

—Mi ta yiu di senjora Maske. Ta dos florin y sesenta cens.

Senjora Geerken a coge un cartetera bieu y a paga.

—E portret na muraya aja, ta mi esposo, el a bisa. Diana a waak o portret. Esey ta pa bo, senjora Geerken a continua y a laga algu cai den su sacu.

NO LAGA CALOR CABA CU BO

air condition

...TA BO SALBACION

NO PERDE TEMPO, BUSCA UNO AWE MES.

Pa tur informacion:

### DICK TRACY

1. Junior bai compra sandwich y coffee, cu un corant pa nos un rato. Okay.
2. Ta kiko ta pasando riba e daki di e cos aki. Tracy?
3. Mi a pidi e manager pa buta un cabuya ey riba, si acaso mester actua pira. Pero mi ta kere cu nos no tin mester di dje, awor.



### RIP KIRBY

JAN BODEGOM & CO (Aruba) N.V.

TEL. 1284 — 1402

Agente exclusivo di FRIESCHE VLAG lechi avap orado y lechi en polvo MAXWELL HOUSE KOFFIE

1. Nan a drenta e cas di senior Escorpio.
2. No tin ningun hende. Bo tin sigur cu tabata aki?
3. Si, yama e bomberonan pa nos mira si un auto a pega na candela.
4. Y na e caminda pa vlieg-veld...



DERECHOS RESERVADOS

Y EN EL CAMINO AL AEROPUERTO...





E muraya di Berlin ainda ta e simbolo dun di e separacion politico entre Oost y West y a bira un curiosidad pa e hispanitlanan na e ciudad aki. Aki un grupo di turista ta tira un bista na otro banda di e muraya haciendo uso di un trappi y plataforma.

### TRES MORTO DURANTE RALLYE DI ARGENTINA

BUENOS AIRES, 25 okt. — Durante e prome dia di e rallye di mas di 4600 km. di Argentina, cu a cuminsa ayera, tabatin desgracia cu tres morto. Esakinan a sosode riba e camindanan cu awacera y lodo a danja den e parti montanoso di e provincia Cordoba.

Ricardo Grier y su companero Ricardo Oriana, a sali for di caminda y a cai cu nan auto den precipicio. E di tres victima tabata Ricardo Calco, kende su auto a wordu lastra ora cu esaki a bolta.

### MERCA TA SIGUI CU BLOKEO CONTRA CUBA

WASHINGTON, 25 okt. — Merca lo mantene e blokeo economico contra Cuba, mientras tanto gobierno di dr. Fidel Castro sigui cu su politica di agresion. E anuncio di State Department di asuntunan exterior na Washington ta contesta riba e peticion di dr. Castro pa aboli e embargo.

Merca tin cu haber cu e pueblo di Cuba, cu no ta liber y tin necesidad, segun State Department, pero e politica di Merca contra gobierno di Castro ta stipula pa su inclinacion comunista, su enemistad contra Merca y su intencionan pa tumba otro gobiernonan riba hemisferio occidental.

## CONTROL RIBA COREO PA HAVANA CUBA

BONN, 25 okt. — E bohero di gobierno di Alemania West, Von Hassel, a declara, cu e servicionan aliado di seguridad den Republica Federal a habri y a controla coreo di Alemania West destina pa Cuba. E aliadonan akinan a haci uso di nan derecho, pasombra interesnan di seguridad ta na weg, segun Von Hassel.

E bohero di gobierno no a bisa den cual periodo y cuanti coreo pa Cuba nan a lastra.

### EHERCITO „BIG LIFT“ A TERMINA

BASE AEREA BERGSTROM, 25 okt. — Ayera mainta mas o menos cuartu pa siete (ora Hulandes) e ultimo avion di transport cu militarnan Mericano cu ta participa na e operacion „Big Lift“ a lanta for di e base aerea Mericana Bergstrom na Texas, cu destino Alemania West.

Cu yegada di e avion aki na Alemania, 240 avion Mericano di transport lo a transporta un division completa di 14.500 homber pa Europa West den poco dia. E equipo di e division aki, tanki y otro vehiculonan y arma ya tabata na Alemania West.

### TRES MORTO NA DESGRACIA SERCA KRUPP

ESSEN, 25 okt. — Riba e patio di e oficina principal di e compania Krupp na Essen un stellage a lora door di cual 14 obrero a cai. Segun polis seis obrero a wordo herida gravemente y tres leba.

Segun testimonio ocular e stellage a lora for di unda e tabata pega na di siete piso, door di cual henter e stellage di 25 meter aschi cai. Algun di e victimanan mester a wordo salba cu snijbrander for di e massa di staal.

Tres di e obreronan cu tabata gravemente herida a muri di nan heridonan. Un di e obreronan cu tabata riba e stellage na un altura di cuarenta meter a salba su bida, door cu ora cu el a sinti e stellage a cuminsa move, el a bula door di un bentana sera den e edificio. El a hanta solamente algun corta. Un colega cu a bula taal, a cai di e di seis piso y a wordo gravemente herida.

## Consternacion den Tweede Kamer di Hulanda

DEN HAAG, 25 okt. — Durante deliberacionnan di e departamentu legislocion den reunion publico di comision di asuntunan interior, senor Koekoek di partido di campesinon o causa consternacion door di tanta un acusacion serio contra gobierno, cu tabata no poder durante 1959. Senor Koekoek a bisa, cu den e tempu ey non tabata scucha su conversacionnan telefonica durante 5 anja largu.

Ora cu el a manda durante eleccionnan di 1959 un carta certifica cu e lista di candidatonan pa Leeuwarden, nan a haci uso di sencha su conversacion telefonico pa por sa ki dia e ta manda e carta, segun el a declara. E declaracion sin duda a causa hopi alternacion den e comision. Mi tabatin e prueba, pero e prueba mes mi no por entrega, segun senor Koekoek a declara despues. El a keda riba su palabranan cu nan tabata scucha su conversacionnan pa telefon y cu nan a habri e carta cu lista di candidatonan.

Minister Toxopeus, a reacciona cu seriedad riba e acusacion aki. El a bisa entre otro, di papia pa su colega di e gobierno di 1959, mientras e ta

### PREMIO NOBEL PA LITERATURA

STOCKHOLM, 25 okt. — E premio Nobel pa literatura a wordo ortoga na e poeta Griego Giorgos Seferis. E ganador di e premio entre otro tabata embahador di su pais na London.

Seferis a hanta e premio, consistiendo di un diploma, un medalla y un suma di 90.000 florin pa su trabao perfecto lirico, inspira pa un sentimento profundo cultura di Grecia, asina e opinion di e academico Sueco cu ta ortoga e premio ta.

Seferis a nace dia 29 di februario anja 1900. Su tata tabata un abogado conoci kende despues tabata duna coleho den derechonan internacional na Universidad di Atena.

Bao di e fotocopia cu e revista a druk tabatin cartanan di amor, cartanan comercial y hasta un receta pa un cierto saepi.

## Conferencia di Union West Europeo na Den Haag

DEN HAAG, 25 okt. — Den sala treves den Binnenhof di Den Haag cu a drenta historia Hulandes como e sala caminda e armisticio di 12 anja a ser realisa, lo ta awe y mayan escena di e prome intento ministerial di e Union West Europeo pa drecha e actual esfero politico na West Europa.

E sala, cu ta pertenece na e ministerio di trafico y Waterstaat, lo wordu isola pa e ocasion aki cu e cuartanon den cercania completamente di resto di e departamentu aki. Hasta conseho ministerial, cu sa tin custumber di reuni akinan diabierna anochi nester a traha luga y lo regresa pa un bishu pa e

ministerio di justicia, caminda nan tabata reuni un como 12 anja pasa.

E conferencia ta e prome di e acuerdo di cuartanon cu ultimamente nan a bira di acuerdo, pa cual nan a delfi pa motibu di fracaso di e deliberacionnan tocante afiliacion di Inglaterra den E.E.G.

Nan ta spera di tene door di revivi e deliberacion ministerial den Union West Europeo, expande te problema nan economico, e posibilidad di afiliacion di Inglaterra habri y entretantu evita mas tantu posibel, pa sea E.E.G. of Gran Britania tuma medida cu ta desfavorabel pa relacionnan mutuo.

### REUNION DI CONCILIO TA TRATA DESCRIMINACION

CIUDAD VATICANO, 25 okt. — Na e reunion di concilio di ayera, Mgr. Robert Tracy di Baton Rouge, Louisiana, na number di 147 obispo Mericano a insisti riba un declaracion cla di resistencia contra descrimination racial. El a haci esaki durante e debat tocante e papel cu laiconan ta ocupa den iglesia.

Prome, cu despues cu e tercer capitulo di e schema „De Ecclesia“ a keda cla, nan a cuminsa cu un otro capitulo, e pregunta a wordo presenta si e asuntu di adoracion di Maria lo mester ta un punto apart di e schema of no. Kardenal Ruffino Santos, arzobispo di Manila, a actua pa un schema apart.

Pero cardenal Franz Koenig di Viena, a pone contra esey, cu si dedica un schema apart na adoracion di Maria tanto ta corre e riesgo di aumenta e contralidatnan entre catoliconan y protestantnan cu esey. Probablemente nan lo vota awe riba e pregunta.



### Probeer nu eens BRYLCREEM



voor het uiterlijk waar zij van houdt



BRYLCREEM maakt Uw haar gezonder en geeft een beter zittende, natuurlijke vorm zonder het haar vet te maken

Gebruik BRYLCREEM, de moderne haarverzorging die de gehele dag een welverzorgd uiterlijk garandeert en Uw haar gezond en soepel houdt. BRYLCREEM verzekert succes en geeft U het mannelijk frisse uiterlijk dat zo door het vrouwelijke geslacht bewonderd wordt. Gebruik toch geen ouderwetse vette brillantien. Wees modern en gebruik BRYLCREEM... het is een stap in de goede richting.



**BRYLCREEM**  
MAAKT UW HAAR GEZONDER

## BO HOROSCOPO PERSONAL

ARIES 21 Maart — 20 April

Un sorpresa agradable por tuma lugar awe. Riba tereno di amor desafortunadamente favorable lo tuma lugar.

TAURUS 21 April — 20 Mei

Oranan di mainta ta mas favorable pa bo awe. Esaki ta bo oportunidad pa desahaci di desunionnan cu otro y mehora bo relacionnan.

GEMINI 21 Mei — 20 Jun

Aspectonan ta masha favorable pa tur loke por bira bo dilanti riba tereno social. Bo trabao lo worde aprecia.

CANCER 21 Jun — 22 Jul

Sea alento pasobra bo tin apoyo di planetanan. Riba tereno di amor bo mester muestra bo sentimentunan y atencion.

LEO 23 Jul — 22 Augustus

Otronan lo tuma decisionnan basta bo bai cu tacto. Ta posibel cu bo mester revisa bo plannan y haci algun cambio.

VIRGO 23 Augustus — 22 September

Bo atencion mester worde dirigi pa asuntunan financiero y bo entrada. Traha un bon presupuesto y tene bo na esey.

LIBRA 23 September — 22 October

Aspectonan ta cambia awe y bo mester duna otro un preferencia. Pasa bo mes poco atencion ariba bo ta logra mas.

SCORPIO 23 October — 22 November

Ideaman nobo, conculman nobo por bai hunga un papel importante a wor. Scucha ideaman y proposicionnan di otro.

SAGITARIUS 23 November — 21 December

Aspectonan pa progreso y resultado nan ta hopi mehor awe. Usa tur bo energia y no evita ningun dificultad.

CAPRICORNUS 22 December — 19 Januari

Otronan lo ta masha interesa den lo cual bo ta pensa of bisa awe. Aspectonan ta favorable pa delibera y solicita.

ACUARIUS 20 Januari — 18 Februari

Sucesonan por desarolla nan mes rapido despues di mainta. Reaccion rapido tambe y no laga otronan pasa bo dilanti.

PISCES 19 Februari — 20 Maart

Fondacionnan no ta dirigi bo atencion riba finanzas y chensnan di ventaha. Bo por tuma poco chens pero pensa bon prome.

PRESIDENT DI BOLIVIA NA WASHINGTON

WASHINGTON, 25 okt. — Ayer presidente Kennedy a saluda na Washington presidente Victor Paz Estensoro di Bolivia na cumbrimento di esaki su bishita di estado di tres dia. Egun nan ta spera cu lo delibera tocante perspectiva pa un desdoblamiento di e Latino America. Presidente Kennedy a bisa cu gobierno Mericano ta pone mas atencion na su relacionnan cu otro paisnan die hemisferio occidental.

BUCHI ROBEZ

presenta pa cortesia di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas

